

PONTIFICI, FRATRI, AMICO LIOBRADO¹ ELECTO ALBINUS SALUTEM.

c. 798

- Gratias ago Deo, qui talem mihi perdonare dignatus est amicum, in cuius fide veritas, in cuius bonitate benignitas, in cuius consilio salus semper inventa est. Et quanto rariores nunc temporis tales inveniri possunt, tanto cariores haberi debent².
 5 Sicut gemmarum fulgor inter harenosam splendescit glaream^{a 3}, ita amicus probatus inter multitudinem circumstrepentem turbam gratissime eruitur, amplexatur, tenetur. Qui iuxta antiquitatis proverbium diu quaeritur, vix invenitur, difficile servatur⁴. Cuius parabole interpretationem facile est ex te ipso cognoscere. Et mirum in modum, quod omnes invenire volunt, vix ullus esse desiderat. Et hoc ideo, quia præceptum
 10 dominicum, si apertis audiant auribus, surdo tamen corde parvipendunt: 'Omnia, Matth. 7, 12. quaecumque vultis, ut faciant vobis homines, haec eadem et facite illis'. Inter cetera virtutum insignia, quae huic adiacent mandato, hoc quoque adiungitur, ut qui amicum velit invenire fidelem, sit ille cuicumque hominum amicus fidelis, vel in salute anime, vel in suffragio sæculari, quantum ad rem et personam cuiuslibet pertineat.
 15 Quod vero me interrogare voluisti de certitudine voluntatis vel loci, nihil tibi certum adhuc remandare habeo, nisi Deo miserante et vita comite adhuc visurus eris faciem meam, licet nesciam propter occupationes meas vel vestras, ubi aut quando. Multoties secundum oportunitatem portantium litteras mihi dirigere satage, ut habeam curam tuae caritati rescribendi, vel etiam demandandi, quodcumque veniat mihi.
 20 Tantum diligenter deprecare dominum Iesum, ut dirigat secundum suam magnam misericordiam vitam famuli sui in sanctissime suae voluntatis effectum et christianæ religionis iuxta facultatem virium nostrarum profectum.

Pax aeterna regat Christi te, praesul amate,
 Semper in aeternum, praesul amate, vale.

142.

- 25 *Alcvinus Hrabanum Fuldensem magistrum monet, ut promissum sibi libellum scribat.* — 798.

Codd. T fol. 72—73 (T fol. 67), K 1 fol. 65', K 2 p. 187—188, A 1* p. 130 n. 89^a.
 Edd. C 48, Q 55, F 111, J 251. — Migne col. 398.*

BENEDICTO^b SANCTI BENEDICTI PUERO MAURO^c ALBINUS SALUTEM.

- 30 Libellum, quem me rogante scribi^c promisisti, rogo, ut tua fiat promissio firma et mea impleatur laetitia. Multis haurientibus fons non siccatur venae vivae.

^a) gloriam in marg. vel glaream T*.

142. ^a) Lemma: Albinus Mauro K 1; Albinus ad Benedictum T; Epistola Albini ad Maurum puerum A 1*. ^b) benedictio K 1; bediccio K 2. ^c) scribere A 1*.

- 35 1) *Liodrado legendum putat Mabilio, qui est Leidradus a. c. 798. electus archiepiscopus Lugdunensis, sequenti vero anno primum ordinatus. FROBENIUS.* 2) *Cf. supra ep. 106 p. 152: eo cariores, quo rariores.* 3) *Aldhelm. de laudib. virgin. c. 43 (ed. Giles p. 57): harenosis sablonum glareis.* 4) *Hieronymi epist. 3 (Opp. ed. Vallarsius I, 13), cf. supra p. 49.* 5) *Hrabano tunc magistro, postea abbati Fuldensi (822—842) et archiepiscopo Moguntino (847—856). Miserat hunc Ratgarius abbas Fuldensis (802—817) ad Alcvinum, teste catalogo abbatum Fuldensium (SS. XIII, 272), cf. etiam Hrabani versus ex persona magistri (Poet. Carol. II, 159). Se autem ab Alcvinio Maurum appellatum esse ipse Hrabanus memoriae prodidit his verbis praefationis in IIII libros regum (Opp. t. III, 45): Mauri nomen . . magister meus beatae memoriae Albinus mihi indidit. Et sumpserat Alcvinus cognomen hoc a S. Benedicti discipulo Mauro, qui cum bonis polleret moribus, magistri adiutor coepit existere, ut retulit S. Gregorius in*